

PG. 18.02.2013

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
THE MUNICIPALITY OF BOSANSKA KRUPA
MAYOR OF MUNICIPALITY

Broj: 01/N-49-6825/12
Datum: 13.02.2013.god.

PREDMET: Poziv za učešće na sastanku Partnerske grupe II ciklus

Poštovani/a,

Ovim putem Vas pozivamo na sastanak Partnerske grupe za razvoj, koji će se održati **18.02.2013.** godine u maloj sali Doma kulture u Bosanskoj Krupi sa početkom u **14.00 sati**. Na sastanku će biti prezentiran nacrt plana implementacije Strategije razvoja naše općine za 2013.god. uključujući i finansijski plan.

Cilj sastanka Partnerske grupe je učešće njenih članova u implementaciji Strategije razvoja naše općine sa uspostavom specifične odgovornosti i saradnje u procesu operacionalizacije i sveukupne implementacije lokalne Strategije između Razvojnog tima i Partnerske grupe.

Kao što ste upoznati, Općina Bosanska Krupa, uz podršku Razvojnog programa Ujedinjenih naroda (UNDP) i Švicarske agencije za razvoj i saradnju, a u okviru Projekta integriranog lokanog razvoja (ILDLP), početkom 2011.god. je usvojila Strategiju razvoja naše općine za period 2011-2020. god. Proces izrade Strategije razvoja je vodio Općinski razvojni tim (ORT), a Partnerska grupa (PG) predstavljala ključno konsultativno tijelo koje je omogućilo široko učešće socio-ekonomskih partnera općine u ovom procesu.

Krajem 2012.god. zajedno sa UNDP je kroz projektni ciklus ILDP II pokrenut proces revizije provedbe naše Strategije razvoja u čemu je do sada sve aktivnosti provodio Općinski razvojni tim, a za nastavak aktivnosti na procesu operacionalizacije i sveukupne implementacije strategije se uključuje Partnerska grupa čije je učešće i plan aktivnosti definirano u prethodno usvojenoj metodologiji izrade i usvajanja same strategije.


Molimo Vas da svojim aktivnim učešćem na sastanku doprinesete kvalitetnoj implementaciji razvojnih projekata sadržanih u Strategiji razvoja naše općine i svojim daljim aktivnostima preuzmete vaš dio zadataka na dugoročnom poboljšanju sveukupnog života u našoj općini.

Cijenili bismo ukoliko biste potvrdili Vaše učešće na sastanku na kontakt telefon 061 835 958; na e-mail: asimam@opcinabosanskakrupa.ba.

U prilogu Vam dostavljamo dnevni red za planirani sastanak, a materijale za sastanak ćete preuzeti pred početak sastanka.


Unaprijed se zahvaljujemo na Vašem doprinosu u ovom procesu i vašem angažmanu na oblikovanju budućnosti naše zajednice.

S poštovanjem,



OPĆINSKI NAČELNIK
Armin Halitović dipl.ecc.

0.0





Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Agency for Development
and Cooperation SDC



Empowered lives.
Resilient nations.

PARTICIPATORNA IMPLEMENTACIJA NAŠE LOKALNE RAZVOJNE STRATEGIJE:

SASTANAK PARTNERSKE GRUPE ZA RAZVOJ

Općina Bosanska Krupa, Mala sala doma kulture

18.02.2013.god.

DNEVNI RED

Satnica	Tema
14,00 – 14,15	Okupljanje učesnika
<i>Moderator: Borislav Karanović</i>	
14,15 – 14,25	<p>Participatorna implementacija naše lokalne Strategije:</p> <ul style="list-style-type: none"> - Ciljevi sastanka; - Učešće Partnerske grupe u implementaciji Strategije razvoja, dugoročne odgovornosti i korist od razvojnog partnerstva; - Generalni pregled ključnih prioriteta u zajednici za 2013.godinu, definisanih u Strategiji razvoja i nacrtu Plana implementacije za 2013. - Osvrt na učešće Partnerske grupe u implementaciji lokalne Strategije razvoja <ul style="list-style-type: none"> • <i>Načelnik općine, Predsjedavajući Vijeća</i>
14,25 – 15,15	<p>Naši lokalni razvojni prioriteti u 2013.godini:</p> <ul style="list-style-type: none"> - Specifične odgovornosti i saradnja u procesu operacionalizacije i sveukupne implementacije lokalne Strategije između Razvojnog tima i Partnerske grupe; - Prezentiranje nacrtu Plana implementacije za 2013. godinu uključujući i finansijski plan, sa posebnim osvrtom na specifične projekte koje implementiraju socio-ekonomski akteri, te postizanje koncenzusa o predloženom Planu. <ul style="list-style-type: none"> • <i>Koordinator Razvojnog tima</i> • <u>Strukturirana diskusija po grupama</u>, komentari i sugestije Partnerske grupe
15,15 – 15,30	<p>Zajednička implementacija naše Strategije razvoja:</p> <ul style="list-style-type: none"> - Predstojeći zadaci i vidovi međusobne komunikacije; - Postojeći sastav Partnerske grupe i moguća potreba za njegovim proširenjem. <ul style="list-style-type: none"> • <i>Koordinator razvojnog tim, Načelnik općine</i> • <i>Diskusija, komentari i sugestije Partnerske grupe</i>



ZAPISNIK

sa 4. sastanka Partnerske grupe održanog dana 18.02.2013.god.u Bos. Krupi

Sastanak se održao dana 18.02.2013.god.u Maloj sali Doma kulture Bos.Krupa,sa početkom u 14.00 sati.

Sastanku prisustvuju:

Ispred UNDP ILDP:

Službenik UNDP: Dino Kabiljagić

Moderator UNDP ILDP: Borislav Karanović

Predstavnici Općine Bos.Krupa, Općinski načelnik Armin Halitović i koordinador ORT-a Asima Mušić

Članovi Partnerske grupe: Vijećnici OV-a, predstavnici MZ-a, predstavnici privatnog sektora, vođe sektora ORT-a, predstavnici javnih ustanova, preduzeća, predstavnici osnovnih i srednjih škola, dječjeg vrtića Bos.Krupa,predstavnici nevladinog sektora

Sastanku je prisustvovalo 29 od pozvanih 125 članova PG.

Moderator je nakon pozdrava i uvodnog upoznavanja prisutnih sa dnevnim redom sastanka pozvao Općinskog načelnika da se obrati prisutnima.

Općinski načelnik je pozdravio , prisutne, zahvalio se na njihovom prisustvu 4. sastanku Partnerske grupe. U svom obraćanju je istakao da je Strategija razvoja ozbiljan dokument koji je usvojen jednoglasno od strane OV-a u prošlom sazivu, ali nažalost zbog evidentne ekonomske situacije malo je projekata realizirano ili započeto, čime nikako ne možemo biti zadovoljni. Nadalje je naglasio da bi dostigli planirane ciljeve, neophodno bi bilo da svi zajedno i lokalna uprava i članovi Partnerske grupe kao ravnopravni partneri daju svoj puni doprinos na provedbi aktivnosti oko realizacije projekata iz Strategije razvoja.

U skladu sa utvrđenim dnevnim redom koordinador ORT-a Asima Mušić, kao moderator je putem video prezentacije upoznala članove Partnerske grupe sa dosadašnjom provedbom Strateškog plana razvoja, te prezentirala „Plan implementacije za 2013.god.zajedno sa prijedlogom budžetiranja. Prilikom prezentiranja plana implementacije za 2013.god sa planom budžetiranja, moderatorica je iznijela podatak da se ORT kod analize stanja a prije sačinjavanja prijedloga za realizaciju Strategije razvoja u 2013.god. opredjelio samo za one projekte koji su započeti u proteklom periodu, a kao razlog navela je stanje Budžeta lokalne zajednice i uopće ekonomsku situaciju u općini i širem okruženju. U svom izlaganju moderatorica je iznijela da postoji problem ljudskih resursa kako u samoj upravi tako i u kompletnoj lokalnoj zajednici koji su dovoljno educirani, sposobni i motivirani da učestvuju u provedbi aktivnosti na realizaciji i monitoringu provedbe Strategije razvoja općine Bos.Krupa, kao i problem vezan za komunikaciju među akterima lokalne zajednice.

Prisutnima se obratio i službenik UNDP Dino Kabiljagić koji je naglasio relevantnost učešća što više aktera u provedbi aktivnosti na realizaciji Strategije razvoja općine, da se što više onoga što je sadržaj strategije uspješno provede na opće zadovoljstvo i u korist svih u lokalnoj zajednici.

Prema utvrđenom dnevnom redu sastanka, članovi Partnerske grupe su upoznati sa planom implementacije Strategije razvoja za 2013.godinu zajedno sa planom budžetiranja. Nakon toga se pristupilo diskusiji o planu implementacije. Moderator je podijelio učesnike u

A. A.

tri sektorske grupe za ekonomski, društveni razvoj i zaštitu okoliša, te sa svakom grupom i uz podršku moderatora UNDP ILDP-a moderirao rad u grupama. Učesnici su trebali više vremena od predviđenog, te je sastanak trajao duže od predviđenog dnevnog reda.

Nakon završenog razmatranja plana po sektorskim grupama usvojeni su slijedeći zaključci za:

EKONOMSKI SEKTOR

1. Da se sve projektne ideje koje su sublimirane u jedan zajednički projekat zbog lakše operacionalizacije, ponovo vrata na pojedinačne projektne ideje kako su bile identificirane u izvornom tekstu Strategije razvoja.
2. Da u planu implementacije nedostaju projekti iz oblasti poljoprivrede (stočarstvo, stočna pijaca, otkupni centar)
3. Da se na području Otoke, odnosno Ivanjske pokrene poslovna zona za oblast poljoprivrede

DRUŠTVENI SEKTOR

1. Izrada softwera za bazu podataka (baza bi trebala biti dostupna za sve članove Partnerske grupe, kao i ORT-a, te omogućiti nesmetanu komunikaciju između PG-e, članova ORT-a i lokalne uprave).
2. Svake godine na nivou općine raspisati javni poziv za projekte iz NVO.
3. Sastanke Partnerske grupe organizirati prije održavanja javne rasprave o nacrtu budžeta, kako bi Partnerska grupa mogla ravnopravno učestvovati u izboru priprtetnih projekata.

SEKTOR ZAŠTITE OKOLIŠA

1. Da se projekti usklade u dinamici realizacije
2. Za značajnije projekte obezbjediti i odgovarajuću medijsku kampanju
3. Provoditi kontinuiranu edukaciju za jačanje svijesti o zaštiti okoliša
4. Mogućnost sufinansiranja projekata od strane većeg broja lokalnih aktera i eksterno, sa naglaskom na održivost projekata (privatni, javni, civilni sektor i lokalna uprava zajedno).

OPĆI ZAKLJUČCI:

1. Jačanje komunikacije među lokalnim akterima razvoja i šire
2. Proširiti Partnersku grupu
3. U sve aktivnosti uključiti političke stranke

Sastanak je završen u 16.15sati.